



## **XALQ DEPUTATLARI KITOB TUMAN KENGASHI Q A R O R I**

2023 - yil 4 - mart

VI-80-32-4-62-K/23

Kitob tuman hokimligi

### **Kitob tumanidagi yangidan tashkil topgan qabristonlarni nomlash to'g'risida**

Kitob tumani hokimligining geografik obyektlarga nom berish va ularning nomlarini o'zgartirish masalalari bo'yicha komissiyasining tumandagi yangidan tashkil topgan 8 ta qabristonni nomlash to'g'risidagi 2022-yil 24-noyabrdagi B-01-05/206-sonli yig'ilish bayoni hamda O'zbekiston Respublikasi Iqtisodiyot va moliya vazirligi huzuridagi Kadastr agentligining 2023-yil 13-yanvardagi 08-00336-sonli ekspertiza xulosasini inobatga olib, O'zbekiston Respublikasining "Geografik obyektlarning nomlari to'g'risida"gi Qonunining 4-, 6- va 10-moddalariga asosan O'zbekiston Respublikasi "Mahalliy davlat hokimiyati to'g'risida"gi Qonunining 6-, 24-moddalariga asosan xalq deputatlari tuman Kengashi

### **Q A R O R   Q I L A D I:**

1. Tuman hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi L.Uroqovanning Kitob tumanidagi yangidan tashkil topgan qabristonlarning nomlari to'g'risidagi axboroti ma'lumot uchun qabul qilinsin.

2. Kitob tumanidagi yangidan tashkil etilgan 8 ta qabriston nomi ilovaga muvofiq tasdiqlansin.

3. Kitob tumani Mahalla va nuroniylarni qo'llab-quvvatlash bo'limi (A.Omanov), tuman Statistika bo'limi (G'. Murodov) mazkur qarorning ilovasida ko'rsatilgan qabriston nomlarini belgilangan tartibda statistik hisobotlarda aks ettirilishini va ish yuritish hujjatlariga o'zgartirishlar kiritilishini ta'minlasin.

4. Tuman Ichki ishlar bo'limi (I.Tog'ayev) tuman Mahalla va nuroniylarni

qo'llab-quvvatlash bo'limi (A.Omanov), tuman Obodonlshtirish boshqarmasi (A.Xamidov) nom berilgan qabristonlarga tegishli belgilarini o'zgartirish bilan bog'liq tashkiliy ishlarni amalga oshirsin.

5. Davlat kadastrlar palatasi Qashqadaryo viloyat boshqarmasi Kitob tumani filiali boshlig'i (I.Yusupov), tuman Obodonlshtirish boshqarmasi (A.Xamidov) bilan birgalikda yangidan nom berilgan qabristonlarga kadastr xujjatlarini rasmiylashtirish va belgilangan tartibda zamonaviy talablar asosida peshlavha va ko'rsatkich belgilarini o'rnatishni ta'minlasin.

6. Mazkur qarorning bajarilishini nazorat qilish xalq deputatlari tuman Kengashining Sud-huquq masalalari va korrupsiyaga qarshi kurashish bo'yicha doimiy komissiyasi (N.Shoimov) zimmasiga yuklansin

7. Ushbu qaror qabul qilingan kundan e'tiboran kuchga kiradi.

Sessiya raisi



Pardayev U.B

Xalq deputatlari Kitob tuman  
Kengashining  
2023 yil 4 martdagi  
VI-80-32-4-62-K/23-son qaroriga  
1-ilova

**Kitob tumanidagi yangi tashkil etilgan qabristonlarga tavsiya qilingan nomlar**

<b>Geografik obyekt turi</b>	<b>Yangi tashkil etilgan geografik obyekt nomiga tuman komissiyasi tomonidan berilgan taklif</b>	<b>Geografik obyektga tuman komissiyasi tomonidan berilgan izoh</b>
qabriston	Mitan	Mitan Ko'ktosh qishlog'idagi ko'cha nomi. Qabriston shu ko'chada joylashgan. Mitan urug', qabila nomi.
qabriston	Balanddara	Yangibog' qishlog'idagi Balanddara ko'chasida joylashgani uchun ko'cha nomi berilgan.
qabriston	Qishliqsoy	Qishliq ushbu hududlarning umumiy nomi. Og'zaki nutqda Qishliq hududi deb yuritiladi. Ilgari shu qishloqlarni o'zida birlashtirgan xo'jalik nomi ham Qishliq bo'lgan. Soylar bilan tutashib ketgan. Shuningdek Qishliq qabristoni bo'lgani uchun Qishliqsoy nomi taklif qilinmoqda.
qabriston	Yuqori Sariosiyo	Sariosiyo shaharchasida Sariosiyo-1, Sariosiyo-2 qabristonlari bor. Yuqori Sariosiyo tavsiya qilindi.
qabriston	Boshchil	Boshchil aholi punktida joylashgani uchun Boshchil nomi berilgan.
qabriston	Xayrobod	Xayrobod aholi punktida joylashgani uchun Xayrobod nomi berilgan.
qabriston	Qo'yioqboy	Qo'yioqboy qishlog'ida joylashgani uchun Qo'yioqboy nomi berilgan.
qabriston	Tevaboshi	Tevaboshi aholi punktida joylashgani uchun Tevaboshi nomi berilgan.

Xalq deputatlari Kitob tuman  
Kengashining  
2023 yil 4 martdagi  
VI-80-32-4-62-K/23-son qaroriga  
2-ilova

### XUQUQIY XULOSA


Kitob tumanidagi yangidan tashkil topgan qabristonlarni nomlash to'g'risidagi Xalq deputatlari Kitob tumani Kengashining tuman hokimligi tomonidan geografik obyektlarga nom berish va ularning nomlarini o'zgartirish masalalari bo'yicha komissiyasining tumandagi yangidan tashkil topgan 8 ta qabristonni nomlash to'g'risidagi 2022-yil 24-noyabrdagi B-01-05/206-sonli yig'ilish bayoni hamda O'zbekiston Respublikasi Iqtisodiyot va moliya vazirligi huzuridagi Kadastr agentligining 2023-yil 13-yanvardagi 08-00336-sonli ekspertiza xulosasini inobatga olib, O'zbekiston Respublikasining 2011-yil 12-oktabrdagi "Geografik obyektlarning nomlari to'g'risida"gi Qonuni (O'zbekiston Respublikasi qonun hujjatlari to'plami, 2011-y, 41-son, 448-modda; 2017-y., 35-son, 914-modda) ning 4-, 6- va 10-moddalariga asosan qonun talablari doirasida ishlab chiqilgan.

Xalq deputatlari Kitob tumani Kengashining Kitob tumanidagi yangidan tashkil topgan qabristonlarni nomlash to'g'risidagi qarori O'zbekiston Respublikasi Konstitutsiyasiga, qonunchilikka va qonunchilik texnikasi qoidalariga to'liq javob beradi.

Xalq deputatlari Kitob tumani Kengashining Kitob tumanidagi yangidan tashkil topgan qabristonlarni nomlash to'g'risidagi qarori loyixasi 2023-yil 14-fevral kuni interaktiv portalga muxokoma uchun kiritilgan (ID № 76424), muhokoma muddati 2023-yil 1-mart kuni yakunlanganligi sababli tuman Adliya bo'limiga xuquqiy ekspertizadan o'tkazish uchun yuborilmoqda.

Kitob tuman hokimligi Bosh yuriskonsulti,

2-chi darajali Adliya maslahatchisi



Sh. Eshniyazov